



18 აგვისტო, 2025 წ.

ბრძანება № 01-02/156

ბსუ-ს სამაგისტრო საგანმანათლებლო პროგრამებზე 2025-2026 სასწავლო წლისათვის მიღების გამოცხადების შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 მუხლის, საქართველოს განათლების და მეცნიერების მინისტრის 2009 წლის 22 აპრილის N227 ბრძანებით დამტკიცებული „სამაგისტრო გამოცდების ჩატარების დებულებისა და სახელმწიფო სასწავლო სამაგისტრო გრანტის განაწილების წესის“, ბსუ-ს აკადემიური საბჭოს 2015 წლის 08 ოქტომბრის №111 დადგენილებით დამტკიცებული „სასწავლო პროცესის მარეგულირებელი წესის“, „2025–2026 სასწავლო წლისთვის ბსუ-ს სამაგისტრო საგანმანათლებლო პროგრამების ანკეტა-კითხვარის დამტკიცების შესახებ“ ბსუ-ს აკადემიური საბჭოს 2025 წლის 31 იანვრის N06-01/06 დადგენილების, „ბსუ-ს 2025-2026 სასწავლო წლის აკადემიური კალენდრის დამტკიცების შესახებ“ ბსუ-ს აკადემიური საბჭოს 2025 წლის 22 ივლისის N06-01/70 დადგენილების საფუძველზე,

ვ ბ რ ძ ა ნ ე ბ:

1. 2025-2026 სასწავლო წლის შემოდგომის სემესტრისათვის გამოცხადდეს მიღება ბსუ-ს სამაგისტრო საგანმანათლებლო პროგრამებზე, წინამდებარე ბრძანების N1 დანართის შესაბამისად.
2. მაგისტრანტობის კანდიდატთა რეგისტრაცია განხორციელდეს 2025 წლის 27 აგვისტოდან 5 სექტემბრის ჩათვლით, ყოველდღე (გარდა 28 აგვისტოს და შაბათ-კვირისა), 10:00 საათიდან 17:00 საათამდე (ბსუ-ს I კორპუსი, ოთახი N20, ბათუმი, ნინოშვილის/რუსთაველის N35/32).
3. მაგისტრანტობის კანდიდატმა რეგისტრაციისათვის უნდა წარმოადგინოს:
 - ა) განცხადება (შევსებული № 2 დანართის შესაბამისად);
 - ბ) პირადობის მოწმობის/პასპორტის ასლი;
 - გ) ერთიანი სამაგისტრო საგამოცდო-საიდენტიფიკაციო ბარათი;
 - დ) ბაკალავრის (ან მასთან გათანაბრებული) აკადემიური ხარისხის დამადასტურებელი დიპლომის (თანდართული დანართით) ნოტარიულად დამოწმებული ასლი (ბსუ-ს კურსდამთავრებულთათვის - ბსუ-ს მიერ დამოწმებული, ხოლო 2025 წელს კურსდამთავრებულთათვის - ცნობა აკადემიური ხარისხის მინიჭების თაობაზე), უცხო ქვეყანაში მიღებული განათლების აღიარების დამადასტურებელი დოკუმენტის ნოტარიულად დამოწმებული ასლი (ასეთის არსებობის შემთხვევაში);
 - ე) ორი ფოტოსურათი, ზომით 3X4-ზე;
 - ვ) წვევამდელის სამხედრო-სააღრიცხვო მოწმობის ასლი (ან სამხედრო ბილეთი, ასეთის არსებობის შემთხვევაში).
 - ზ) სხვა დოკუმენტი, თუკი ითვალისწინებს შესაბამისი სამაგისტრო პროგრამა.

4. მაგისტრატურაში მისაღები გამოცდების ვადები განისაზღვროს შემდეგნაირად:

4.1. **მისაღები გამოცდა უცხო ენაში** (კონკურსანტს მოეთხოვება ბსუ-ს შესაბამისი სამაგისტრო საგანმანათლებლო პროგრამის დაშვების წინაპირობად განსაზღვრული უცხო ენის არანაკლებ **B2 დონეზე** ცოდნა) - 2025 წლის **9 სექტემბერი** (დაწყების დრო: **I ცვლა** - 10⁰⁰ საათი, **II ცვლა** - 14⁰⁰ საათი; ჩატარების ადგილი - ბსუ-ს საგამოცდო ცენტრი - ბსუ-ს N4 კორპუსის მე-3 სართული - ქ. ბათუმი, ფიროსმანის ქ. N12);

4.1.1. უცხო ენის გამოცდის შედეგების გამოცხადება - 2025 წლის 9 სექტემბერი;

4.1.2. საპრეტენზიო განცხადებების მიღება - 2025 წლის 10 სექტემბერი 10⁰⁰- დან 16⁰⁰- მდე, ბსუ-ს საქმისწარმოების სამსახურის (კანცელარია) მეშვეობით (ბსუ-ს I კორპუსი, **ოთახი N1**, ბათუმი, ნინოშვილის/რუსთაველის N35/32);

4.1.3. საპრეტენზიო განცხადებებზე პასუხის მომზადება - 2025 წლის 10 სექტემბერი (ეცნობება მაგისტრანტობის კანდიდატს, მის მიერ სარეგისტრაციო განცხადებაში მითითებულ ელექტრონულ მისამართზე).

4.2. **მისაღები გამოცდა სპეციალობაში** (წერითი) - 2025 წლის **11 სექტემბერი** (გამოცდის დაწყების დრო: **I ცვლა** - 10⁰⁰ საათი, **II ცვლა** - 14⁰⁰ საათი; ჩატარების ადგილი - ბსუ-ს საგამოცდო ცენტრი - ბსუ-ს N4 კორპუსის მე-3 სართული - ქ. ბათუმი, ფიროსმანის ქ. N12);

4.2.1. გამოცდის შედეგების გამოცხადება - 2025 წლის 12 სექტემბერი;

4.2.2. საპრეტენზიო განცხადებების მიღება - 2025 წლის 15 სექტემბერი, 10⁰⁰- დან 16⁰⁰-მდე, ბსუ-ს საქმისწარმოების სამსახურის (კანცელარია) მეშვეობით (ბსუ-ს I კორპუსი, **ოთახი N1**, ბათუმი, ნინოშვილის/რუსთაველის N35/32).

4.2.3. საპრეტენზიო განცხადებებზე პასუხის მომზადება - 2025 წლის 15 სექტემბერი (**შენიშვნა:** პროგრამის განმახორციელებელი ფაკულტეტი ქმნის საპრეტენზიო განცხადებების განმხილველ კომისიას, რომელშიც არ მონაწილეობს პირები, რომლებსაც მონაწილეობა აქვთ მიღებული მაგისტრანტობის კანდიდატების შეფასებაში); პრეტენზიების განხილვის შედეგები ეცნობება მაგისტრანტობის კანდიდატს, მის მიერ სარეგისტრაციო განცხადებაში მითითებულ ელექტრონულ მისამართზე).

5. მაგისტრანტობის კანდიდატი ვალდებულია გამოცდაზე იქონიოს პირადობის დამადასტურებელი მოწმობა ან პასპორტი და მოთხოვნისთანავე წარუდგინოს გამომცდელს (დაგვიანებული პირი გამოცდაზე არ დაიშვება).

6. გამოცდების **საბოლოო შედეგები გამოქვეყნდეს 2025 წლის 16 სექტემბერს**, ბსუ-ს ვებგვერდზე და ბსუ-ს საქმისწარმოების სამსახურთან (კანცელარია) არსებულ საინფორმაციო დაფაზე.

7. შეიქმნას მაგისტრატურაში **დოკუმენტაციის მიმღები კომისია**, წინამდებარე ბრძანების **N3 დანართის** შესაბამისად (კომისიის მიერ დამუშავდეს წინამდებარე ბრძანებით განსაზღვრულ ვადებში მაგისტრანტობის კანდიდატთა მიერ წარმოდგენილი დოკუმენტაცია).

8. სამაგისტრო პროგრამებზე ჩარიცხვის უფლების მქონე მაგისტრანტობის კანდიდატებთან **ხელშეკრულებები გაფორმდეს 2025 წლის 17 და 18 სექტემბერს**, 10:00 საათიდან 17:00

საათამდე, შემდეგ მისამართზე: ქ. ბათუმი, რუსთაველის/ნინოშვილის ქუჩა N32/35 (კორპუსის და ოთახის ნომრის შესახებ ინფორმაცია განთავსდეს გამოცდის საბოლოო შედეგებთან ერთად; შენიშვნა: მაგისტრანტობის კანდიდატი, რომელსაც ბსუ-ში ჩარიცხვის მომენტისათვის არ გააჩნია კანონმდებლობით დადგენილი წესით აღიარებული აკადემიური უმაღლესი განათლების დამადასტურებელი დოკუმენტი – დიპლომი, უმაღლესი საგანმანათლებლო დაწესებულების მიერ ბაკალავრის აკადემიური ხარისხის მინიჭების თაობაზე გაცემული ცნობის საფუძველზე შეიძლება ჩაირიცხოს მაგისტრატურის უმაღლეს საგანმანათლებლო პროგრამაზე იმ პირობით, რომ ჩარიცხვიდან ერთი სემესტრის დასრულებამდე ბსუ-ში წარმოადგენს კანონმდებლობით დადგენილი წესით აღიარებულ აკადემიური უმაღლესი განათლების დამადასტურებელ დოკუმენტს – დიპლომს).

9. ბსუ-ს სამაგისტრო პროგრამებზე ჩარიცხვის შესახებ ბსუ-ს რექტორის ბრძანება გამოიცეს 2025 წლის 19 სექტემბერს, სასწავლო პროცესის დეპარტამენტის სამსახურებრივი ბარათის საფუძველზე.

10. დაევალოს ბსუ-ს ფაკულტეტების დეკანებს მაგისტრატურაში მისაღები გამოცდების (სპეციალობაში) თემატიკა განათავსონ უნივერსიტეტის ვებგვერდზე, არაუგვიანეს 2025 წლის 22 აგვისტოს.

11. დაევალოს ბსუ-ს საქმისწარმოების სამსახურს (კანცელარია) განათავსოს ბრძანება ამავე სამსახურთან არსებულ საინფორმაციო დაფაზე.

12. დაევალოს სასწავლო პროცესის დეპარტამენტს ბსუ-ს სამაგისტრო საგანმანათლებლო პროგრამებზე მიღების გამოცხადების შესახებ განცხადების მომზადება და ბსუ-ს ვებგვერდზე განთავსებისათვის წარმოდგენა.

13. დაევალოს საინფორმაციო ტექნოლოგიების სამსახურს წინამდებარე ბრძანება და სამაგისტრო საგანმანათლებლო პროგრამებზე მიღების გამოცხადების შესახებ განაცხადი განათავსოს ბსუ-ს ვებგვერდზე.

14. ბრძანება გასაცნობად და აღსასრულებლად დაეგზავნოს რექტორის მოადგილეს სასწავლო და სამეცნიერო მიმართულებით (გ. ქათამაძე), ხარისხის უზრუნველყოფის სამსახურს, ადმინისტრაციის ხელმძღვანელს და ბსუ-ს შესაბამის სტრუქტურულ ერთეულებს (ფაკულტეტებს, სასწავლო პროცესის დეპარტამენტს, სტუდენტთა კარიერული განვითარების, კულტურისა და სპორტის დეპარტამენტს, საინფორმაციო ტექნოლოგიების სამსახურს, საზოგადოებასთან ურთიერთობის სამსახურს, იურიდიულ დეპარტამენტს).

15. ბრძანება ძალაშია ხელმოწერისთანავე.

16. ბრძანება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (ქ. ბათუმი, ზუბალაშვილის ქ. № 30).

ბსუ-ს რექტორი

ტიტე აროშიძე

„ბსუ-ს სამაგისტრო საგანმანათლებლო პროგრამებზე 2025-2026 სასწავლო წლისათვის
მიღების გამოცხადების შესახებ“

**ბსუ-ს რექტორის 2025 წლის 18 აგვისტოს N 01-02/156 ბრძანების
№1 დანართი**

2025-2026 სასწავლო წლისათვის ბსუ-ს სამაგისტრო საგანმანათლებლო პროგრამებზე
მისაღები ადგილები

№	ბსუ-ს სამაგისტრო საგანმანათლებლო პროგრამა	ბსუ-ს ფაკულტეტი	სტუდენტთა მისაღები რაოდენობა	მისაღები გამოცდები (უცხო ენა (B2) და სპეციალობა)	პროგრამების აკრედიტაციის ვადის გასვლის თარიღი	პროგრამაზე სწავლის წლიური საფასური
1.	ბიზნესის ადმინისტრირება	ეკონომიკისა და ბიზნესის ფაკულტეტი	30	1. უცხო ენა (ინგლისური, გერმანული, ფრანგული) 2. სპეციალობა	04.02.2032	2250 ლ
2.	ფინანსები და საბანკო საქმე	ეკონომიკისა და ბიზნესის ფაკულტეტი	20	1. უცხო ენა (ინგლისური, გერმანული, ფრანგული) 2. სპეციალობა	04.02.2032	2250 ლ
3.	მარკეტინგი	ეკონომიკისა და ბიზნესის ფაკულტეტი	15	1. უცხო ენა (ინგლისური, გერმანული, ფრანგული) 2. სპეციალობა	04.02.2032	2250 ლ
4.	აღრიცხვა, აუდიტი, დაბეგვრა	ეკონომიკისა და ბიზნესის ფაკულტეტი	15	1. უცხო ენა (ინგლისური, გერმანული, ფრანგული) 2. სპეციალობა	04.02.2032	2250 ლ
5.	ეკონომიკა	ეკონომიკისა და ბიზნესის ფაკულტეტი	20	1. უცხო ენა (ინგლისური, გერმანული, ფრანგული) 2. სპეციალობა	31.12.2028	2250 ლ
6.	განათლების ადმინისტრირება	ზუსტ მეცნიერებათა და განათლების ფაკულტეტი	10	1. უცხო ენა (ინგლისური) 2. სპეციალობა	05.08.2032	2250 ლ
7.	კომპიუტერული მეცნიერება	ზუსტ მეცნიერებათა და განათლების ფაკულტეტი	12	1. უცხო ენა (ინგლისური)	31.12.2032	2250 ლ

				2. სპეციალობა		
8.	მათემატიკა	ზუსტ მეცნიერებათა და განათლების ფაკულტეტი	5	1. უცხო ენა (ინგლისური) 2. სპეციალობა	01.07.2027	2250 ლ
9.	პროფესიული და უწყვეტი განათლება	ზუსტ მეცნიერებათა და განათლების ფაკულტეტი	5	1. უცხო ენა (ინგლისური) 2. სპეციალობა	05.08.2032	2250 ლ
10.	ფიზიკა	ზუსტ მეცნიერებათა და განათლების ფაკულტეტი	4	1. უცხო ენა (ინგლისური) 2. სპეციალობა	01.07.2027	2250 ლ
11.	კლინიკური ფსიქოლოგია	იურიდიული და სოციალურ მეცნიერებათა ფაკულტეტი	15	1. უცხო ენა (ინგლისური) 2. სპეციალობა 3. ფსიქოლოგიის ბაკალავრის ხარისხი ან ბაკალავრიატის საფეხურზე გავლილი ფსიქოლოგიის minor პროგრამა (60 კრედიტი) ან ნებისმიერი სხვა საგანმანათლებლო პროგრამის ფარგლებში, თავისუფალი კრედიტების სახით ათვისებული ფსიქოლოგიის დარგის კრედიტები (მინიმუმ 50 კრედიტი)	31.12.2028	2250 ლ
12.	სამართალი	იურიდიული და სოციალურ მეცნიერებათა ფაკულტეტი	40	1. უცხო ენა (ინგლისური, გერმანული, ფრანგული) 2. სპეციალობა	01.07.2026	2250 ლ
13.	ბიოლოგია	საბუნებისმეტყველო მეცნიერებათა და ჯანდაცვის ფაკულტეტი	10	1. უცხო ენა (ინგლისური) 2. სპეციალობა	31.12.2027	2250 ლ
14.	ეკოლოგია	საბუნებისმეტყველო მეცნიერებათა და ჯანდაცვის ფაკულტეტი	7	1. უცხო ენა (ინგლისური, გერმანული, ფრანგული) 2. სპეციალობა	01.07.2032	2250 ლ
15.	ფიზიკური გეოგრაფია და	საბუნებისმეტყველო მეცნიერებათა და	5	1. უცხო ენა (ინგლისური,	01.07.2027	2250 ლ

	გარემოს მდგრადი განვითარება	ჯანდაცვის ფაკულტეტი		გერმანული, ფრანგული) 2. სპეციალობა		
16.	ქიმია	საბუნებისმეტყველო მეცნიერებათა და ჯანდაცვის ფაკულტეტი	5	1. უცხო ენა (ინგლისური, გერმანული, ფრანგული) 2. სპეციალობა	01.07.2027	2250 ლ
17.	ნავთობისა და გაზის მოპოვების, ტრანსპორტირებისა და შენახვის ტექნიკა და ტექნოლოგიები	ტექნოლოგიური ფაკულტეტი	3	1. უცხო ენა (ინგლისური, გერმანული, ფრანგული) 2. სპეციალობა	31.12.2032	2250 ლ
18.	სამოქალაქო და სამრეწველო მშენებლობა	ტექნოლოგიური ფაკულტეტი	10	1. უცხო ენა (ინგლისური) 2. სპეციალობა	31.12.2026	2250 ლ
19.	ტურიზმის მენეჯმენტი	ტურიზმის ფაკულტეტი	15	1. უცხო ენა (ინგლისური) 2. სპეციალობა	30.05.2030	2250 ლ
20.	ევროპული ფილოლოგია	ჰუმანიტარულ მეცნიერებათა ფაკულტეტი	10	1. უცხო ენა (ინგლისური, გერმანული, ფრანგული) 2. სპეციალობა	13.02.2030	2250 ლ
21.	თარგმანმცოდნეობა და კულტურათშორისი კომუნიკაცია	ჰუმანიტარულ მეცნიერებათა ფაკულტეტი	10	1. უცხო ენა (ინგლისური, გერმანული, ფრანგული) 2. სპეციალობა	13.02.2030	2250 ლ
22.	თურქოლოგია	ჰუმანიტარულ მეცნიერებათა ფაკულტეტი	3	1. უცხო ენა (თურქული) 2. სპეციალობა	13.02.2030	2250 ლ
23.	ისტორია	ჰუმანიტარულ მეცნიერებათა ფაკულტეტი	10	1. უცხო ენა (ინგლისური) 2. სპეციალობა	17.03.2030	2250 ლ
24.	ლინგვისტიკა	ჰუმანიტარულ მეცნიერებათა ფაკულტეტი	5	1. უცხო ენა (ინგლისური, გერმანული, ფრანგული) 2. სპეციალობა	31.03.2030	2250 ლ
25.	ფილოსოფია	ჰუმანიტარულ მეცნიერებათა ფაკულტეტი	3	1. უცხო ენა (ინგლისური) 2. სპეციალობა	31.12.2029	2250 ლ

26.	ქართული ლიტერატურა და ლიტერატურის შედარებითი კვლევები	ჰუმანიტარულ მეცნიერებათა ფაკულტეტი	5	1. უცხო ენა (ინგლისური, გერმანული, ფრანგული) 2. სპეციალობა	31.03.2030	2250 ლ
27.	შავიზღვისპირეთისა და კავკასიის ანტიკური არქეოლოგია	ჰუმანიტარულ მეცნიერებათა ფაკულტეტი	3	1. უცხო ენა (ინგლისური) 2. სპეციალობა	17.03.2030	2250 ლ
28.	ციფრული მედია და ინოვაციები	ჰუმანიტარულ მეცნიერებათა ფაკულტეტი	10	1. უცხო ენა (ინგლისური) 2. სპეციალობა	01.07.2028	2250 ლ

„ბსუ-ს სამაგისტრო საგანმანათლებლო პროგრამებზე 2025-2026 სასწავლო წლისათვის
მიღების გამოცხადების შესახებ“

ბსუ-ს რექტორის 2025 წლის 18 აგვისტოს N 01-02/156 ბრძანების

№2 დანართი

საჯარო სამართლის იურიდიული პირი-
ბათუმის შოთა რუსთაველის სახელმწიფო
უნივერსიტეტის რექტორს

(მაგისტრანტობის კანდიდატის სახელი, გვარი)

პირადი ნომერი: _____

ფაქტობრივი მისამართი: _____

რეგისტრაციის მისამართი: _____

ტელ. (მობილური): _____

ელ. ფოსტა: _____

განცხადება

მსურს მონაწილეობა მივიღო ბსუ-ს მაგისტრატურაში მისაღებ გამოცდებში ბსუ-ს
სამაგისტრო საგანმანათლებლო პროგრამაზე ჩარიცხვის მიზნით:

ბსუ-ს ფაკულტეტის დასახელება: _____

ბსუ-ს სამაგისტრო პროგრამის დასახელება : _____

უცხო ენა: ☐ ინგლისური ☐ გერმანული ☐ ფრანგული ☐ თურქული (მონიშნეთ ერთი)

რეგისტრაციისათვის წარმოდგენილი დოკუმენტაცია თან ერთვის: _____ ფურცელი.

ხელმოწერა _____

_____ 2025 წელი.

„ბსუ-ს სამაგისტრო საგანმანათლებლო პროგრამებზე 2025-2026 სასწავლო წლისათვის
მიღების გამოცხადების შესახებ“

ბსუ-ს რექტორის 2025 წლის 18 აგვისტოს N 01-02/156 ბრძანების

№3 დანართი

2025-2026 სასწავლო წლისათვის

ბსუ-ს სამაგისტრო საგანმანათლებლო პროგრამებზე
მაგისტრანტობის კანდიდატთა დოკუმენტაციის
მიმღები კომისია

1. ამირან შარაძე - სასწავლო პროცესის დეპარტამენტის უფროსი (კომისიის თავმჯდომარე);
2. მარიამ ბოლქვაძე - სასწავლო პროცესის დეპარტამენტის მთავარი სპეციალისტი - კომისიის წევრი;
3. თინათინ ჭიჭეიშვილი - სასწავლო პროცესის დეპარტამენტის მთავარი სპეციალისტი - კომისიის წევრი;
4. ხათუნა გამყრელიძე - სასწავლო პროცესის დეპარტამენტის მთავარი სპეციალისტი - კომისიის წევრი;